

# Jetpost (Nassiussat tuaviortut)

## POST Greenlandip Niuernermi piumasaqaatai 1. januar 2021-imeersut

Niuernermi piumasaqaatit uku Kalaallit Nunaata iluani nassiunneqartunut. Nunat allat sin-  
nerinut Jetpost-inik nassiussisoqarsinnaangilaq.

### 1.1 Pingaarnersiuneq

Jetpost-it timmisartukkut siulliunneqartarput.

### 1.2 Poortukkat angissusissaat

Jetpost-it angissutsit taaneqartut qaangersimassanngilaat:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaru- ni:  
takissuseq 10 cm aamma takissuseq + 2 x diameter/portussuseq = 17 cm.

Annerpaaffissaq: takissuseq 150 cm aamma takissuseq + uuttuut takissutsip tungaanut  
ingerlatinnagu kaajallallunili uuttuutigisaq annerpaaq = 300 cm.

### 1.3 Oqimaassuseq

Jetpost-i poortuutini Kalaallit Nunaanut annerpaamik 50 kg-nik oqimaassuseqassaaq.

### 1.4 Imai

Jetpost makkuninnga imaqaassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akumikkulluunniit inunnut, uumasunut, avatangiisinut imaluunniit angallassissutigisanut ulorianaateqarsinnaasut.
- Imarisat asiujasut
- Nunap immallu uumasui uumasut, tassani pineqarlutik igutsaat, sullerngit sullineqati- minnik ajoqutaasunik akiuisussat (rovvider), uumasullu allat qimerloqanngitsut
- Imassat, tassani pineqarlutik qaartuujasut qaarneqanngitsut, qaartartut qaarneqanngit- sut aammalu patronit
- Nioqqutissiat peqquserlulluni assilisat salloqittaasiallu
- Inuit uumasullu toqungasut timaasa sinnikui

- Litium batterit imaluunniit cellit

- Lithium cellit imaluunniit lithium batterit, atortunut ikkunneqanngitsut ulorinartutut naatsorsuunneqartput taamaattumik allakkatigut nassiunneqarsinnaanngillat.
- Allakkat amerlanerpaamik lithium cellinik sisamanik atortunut ikkunneqarsimasunik imaluunniit lithium batterinik marlunnik atortunut ikkunneqarsimasunik.
- Lithium cellit imaluunniit lithium batterit atortunut ikkunnikut, sanaartortup sillimanissakut amingartumik isumannaarneqarsimasutut oqaatigisai, amingartut, ajortissimasulluunniit, kissatsitseruloorsinnaasut imaluunniit ikuallatsitsisinnaasut imaluunniit qamittoortitsisinnaasut allakkatigut nassiunneqarsinnaanngillat.

Imaasa killissat makku qaangersimassanngilaat:

- Lithiummetal imaluunniit lithiumlegering celliniittut 1 g pr. qaangersimassanngilaat.
- Cellit lithiumionillit annerpaamik annertussuseqassapput 20 Wh cellimut ataatsimut.
- Batterini lithiummetalip imal. lithiumlegeringip batterimi ataatsimimi 2 g lithium qaangersimassanngilaq.
- Batterit lithiumionillit annerpaamik 100 Wh baterimi ataatsimi.

Imarisat imerpalasumik ilaqarsimappata poortorneqarnerat milluaasinnaasumik iloquteqartoq POST Greenlandimit akuerineqassaaq.

### 1.5 Poortorneri

Nassiussisup Jetpost-ip poortorluarneqarsimanissaa akisussaaffigaa, taamaalilluni nalinginnaasumik allakkerinikkut suliarineqarnerani imaasa isumannaatsumik illersor- neqarnerat qulakkeerneqarsinnaaqullugu, kiisalu Jetpost-ip nassiussanik allanik, POST Greenlandimik allanilluunniit ajoqusiisinaanera pinngitsoortissinnaaqullugu. POST Greenlandip poortuutip misissornissaa pisussaaffiginngilaa. Jetpost-ip nassiunneqartussa- tut tunniunneqarnerani POST Greenlandip paasippagu nassiussaq isumannaatsumik poor- tugaasimanngitsoq, POST Greenland naliliinini naapertorlugu Jetpost-imik tigusinissaminik itigartitsisinnaatitaavoq imaluunniit nassiussisoq uppersaammik atsioqqusinnaallugu, Jetpost nassiussisup akisussaaffigisaanik nassiunneqartoq. Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutigi- saminnik pooqassapput. Imarisat qajannartut (soorlu igalaamerngit/ marraat) imaluunniit imerpalasut, poortuutissat POST Greenlandip akuerisai

poortuutigalugit taamaallaat nas- siunneqarsinnaapput. Jetpost-it assartorneqarnermik nalaanni immikkut ittumik sianigine- qarlutik „nassiussatut mianersuutassatut” nassiunneqarsinnaangillat.

Imai imerpalasumik imaqarsimappata, imerpalasoq usseqqissaartumik, milluaasinnaa- sumillu pooqqitamik poortuuteqartinneqassaaq ajoqusertoqarnerani milluaasinnaasumik. Poortornera POST Greenlandimit akuerineqartussaavoq.

### **1.6 Immersuiffissat**

Nassiussisup Jetpost-imut immersuiffissat immikkut ittut atugassarai. Immersuiffissat allakkerivimmi pineqartarput, nassiussisumiillu immersorneqassallutik.

### **1.7 Allakkerivimmut tunniussineq**

Jetpost-it allakkerivimmut tunniunneqassapput.

### **1.8 Piumasaqarsinnaatitaaffik**

Nassiussisoq, Jetpost-imik tiguisussatut allassimasumit Jetpost-ip tiguneqarnissaata imaluunniit nalunaarutigineqarnissaata tungaanut, nassiussap utertinnissaanik imaluun- niit tiguisussamut allamut tunniunneqarnissaanik piumasaqarsinnaatitaavoq. POST Greenland Jetpost-ip utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, nassiussap utertinneqarneranut imaluunniit najukkamut nutaamut ingerlasussanngortinneqarneranut akip saniatigut, allanngortitseqqusilluni qinnuteqaammut akiliummik POST Greenland akiliuteqartitsisin- naatitaavoq. Akit taamatut ittut akiliuteqartitsinerillu siusinnerpaamik akileqquneqassap- put, nassiussaq allakkerivimmit nassitsivigisamut ingerlatinneqareersimappat.

### **1.9 Tiguisussamut tunniussineq**

Jetpost-it illoqarfiup iluani agguaassassat ataasinngornermiit tallimanngornermut nal. 08-17 aammalu arfininngornikkut nal. 08-12 agguaanneqartarput. Jetpost-it tiguisussap

najugaanut tunniunneqarsinnaanngitsut Aallakkerivimmut aaneqartussanngorlugit tiguisussamut nalunaarutigineqassapput. Jetpost-it poortukkatut nalinginnaasutut utertinneqannginnerminni allakkerivimmi ulluni 14-ini uninnga-tinneqarsinnaapput.

Jetpost-it postboksimumt adressilerneqarsimasut tikitsiaannartut postboksimumt aaneqartussanngorlugit nalunaarutigineqassapput.

Jetpost-it nunaqarfimumt adresseligaasimasut pisiniarfiup ammanerata nalaani tunniunneqassapput.

### **1.10 Najukkamit nuunneq**

Jetpost-imik tiguisussap allamut nuunneq POST Greenlandimut nalunaarutigisimappa- gu, Jetpost-i akeqanngitsumik Kalaallit Nunaata iluani ingerlateqqinneqassaaq. POST Greenland Kalaallit Nunaata avataani najukkanut Jetpost-inik ingerlaqqittussanngortitsi- neq ajorpoq.

### **1.11 Jetpost-it apuunneqarsinnaanngitsut**

Jetpost-it apuunneqarsinnaanngitsut nassiussisumut uterteqqinneqartarput. Jetpost-i Økonomipostpakke-tut (B-post) utertinneqartarpoq nassiussisumut aningaasartuutaan- ngitsumik.

### **1.12 Allakkerinermi isertuussisussaaneq nassiussanillu ammaaneq**

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilangaaserinermut oqartussaasunut kiisalu Kalaallit Nunaanni Politeeqarnermut oqartussaasunut tunngas- suteqartuni, POST Greenland taamaattoq paasisutissanik oqartussanut taakkununga tunniussisussanngortinneqarsinnaavoq.

### **1.13 Akit**

Akit qaqugukkulluunniit atuuttut allattorsimaffiat [www.telepost.gl](http://www.telepost.gl) -imi aammalu allakkeri- vinni takuneqarsinnaapput.

### **1.14 Akiliineq**

Aki nassiussassamik tunniussinermi aningaasanngorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiissuteqarsiman- ngippat.

### **1.15 Taarsiissuteqartarneq**

POST Greenland Jetpost-ip kinguaattoorneranut taarsiissuteqarneq ajorpoq. POST Greenland Jetpost-inut Kalaallit Nunaanni nassiunneqartunut taamaattoq nassiunnerata akiata ilaanik utertitsisarpoq, kinguaattoorneq POST Greenlandip kukkussutigisimappagu. Uterinneqartut tassaajuarput timmisartukkoortitsinerup aammalu Jetpost-itut nassiunne- qartup nassiunnerani akit assigiinngissutaat.

Jetpost-i tammarsimappat imaluunniit ajoqusersimappat, imaluunniit Jetpost-ip imai tamakkiisumik ilaannakortumilluunniit aserorsimappata, ajoqusernerannut taarsiisoqas- saaq 5.000 kr.-it angullugit angissusilimmik. POST Greenlandili taarsiisussaaneq ajorpoq tammarnera innarlernaluunniit nassitsisup kukkunerippagu, nassiussap qanoq iluse- qarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit. Ajoqusernernerut takoriaannaanngitsunut taarsiisoqarneq ajorpoq, aammalu taarsiisoqas- sanani atortut elektroniskiusut nassiunneqarnerminni puussaviinik poortorneqarsimanngippata. Iluaqtissanut annaasanut,

ujariatsinermut, nalikillinerani annaasanut imaluun- niit ajoqusernerup toqqaannangikkaluartumik kingunerisaanut allanut taarsiisoqarneq ajorpoq. Jetpost-i aserorneqartoq pillugu POST Greenlandimut maalaaruteqarneq, imaluunniit Jetpost-ip imaanik tamakkiisumik ilaannakortumilluunniit annaasaqarner- mut, ersittumik aserorsimaneranut imaluunniit imaanik tamakkiisumik ilaannakortumil- luunniit annaasaqarnermi maalaaruteqarneq, Jetpost-ip tigungnerani erngerluni pissaaq. Piffissaliussaq qaangereersoq maalaaruteqaraanni, allamik uppernarsaatissaqartoqan- ngippat tunngavigineqassaaq Jetpost nassiunneqarnissaminut tunniunneqarnermini ase- rorsimanngitsoq imaalu aseqqukuunngitsut. POST Greenland taarsiussaaq junnaartarpoq POST Greenlandimut piumasaqaat Jetpost-ip tigungneraniit qaammatit 12-it qaangiutsin- nagit nalunaarutigineqarsimanngippat. POST Greenlandip taarsiissuteqartussaananeranut Namminersorlutik Oqartussat nalunaarutaanni nr. 9, 24. juni 2011-meersumi malittarisas- sat aammattaaq atuupput.

Jetpost-ip imaanut poortorneqarsimanissaannullu matumani piumasaqaataasunik malin- ninginnerup kingunerisaanik POST Greenlandip annaasaqaatigisaanut tunngatillugu, nassiussisoq pisussaavoq POST Greenland qanoq ittumilluunniit annaasaqatsaalissallugu, tamakku saniatigut Kalaallit Nunaanni eqqartuussiveqarnerup malittarisassai nalinginnaa- sut malillugit nassiussisoq taarsiussaatitaavoq.

#### **1.16 Maalaarutit**

Nassitsisup tigusisussalluunniit POST Greenland Jetpost-imik ingerlassinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummur inger- latinneqassaaq aalajangiiffigisassatut. POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut inatsisaanni nr. 3, 15. april 2011-meersumi § 22 naapertorlugu aalajangiinerup maalaarutigineqartup tigungnerata king- orna sap. ak. sisamat qaangiutsinnagit maalaarutiginnittoqarsinnaavoq.